

E PIDA COSNAN CU TA DUNA HENDE "ULCERA DI CEREBRO"

Ultimo dianan por a nota cu e molster di turistanan ta sigui riba nos isla. OPCnan tabata tin e mal imagen di ta molestia turistanan tur caminda, pero avor a bira cu ta cierto negoshinan tambe ta probecha di esaki. Masha mahos ta pa mira na altura di Oficina di Douane, con damanan ta trata na forza turistanan cu pamfleta di negoshinan, principalmente joyeria, y si e turistanan cana bay, nan ta wordo grita tambe: "what's your problem?"

Ta parce cu esnan den turismo riba nos isla no ta na altura di tur esakinan of ta haci como si fuera nan no ta na altura di e daño cu ta wordo causa y di e kehonan continuo cu tin riba e "molester" aki.

DI CON TIN PERDIDA TUR ANOCHI

Straño tambe ta cu no tin control riba casinonan manera debe ser. Un persona cu un funcion bon den un casino, a informami di e wegá cu ta tuma lugar den SU casino.

El a splica cu autoridadnan ta manda recherche investiga yen di cos riba nos isla, pero den casino no tin investigacion tumando lugar.

Con ta posible cu casi tur anochi ta pone riba papel cu casino a perde 30 mil dollar, siendo cu no ta asina? el a puntra.

No tin un instancia cu ta haci e controlnan aki, ni den hotel unda tin tur sorto di barbaridad tumando lugar, el a splica.

Anto ainda nos kier "gaña" nos mes cu no tin labamento di placa tumando lugar?

E BORCHI CU TA INVITA "BOET"

Poco pariba di aeropuerto, net caminda bo mester bay sortea pa bay aeropuerto, tin un borchí cu ta bisabo cu ta prohibi pa pasa auto.

Pa colmo ta un borchí caminda "boet" ta ser reparti continuamente na chofernan cu "no a viola ley di trafico".

Pakico?

Pasobra e borchí ta poni robez, of no mester tey mes.

Si mi ta bay aeropuerto, debi na e borchí ey, mi no mag di "sortea" na mi man robez, pasando e auto mi dilanti cu ta sigui pa Playa.

Mi no mag sortea na man robez tampoco y pa colmo pasa e auto cu tabata mi dilanti prome cu luz di trafico.

Mi no mag sorte pa man drechi tampoco pa tuma caminda pa bay Shell of Wimco of Domeinbeheer y pasa e auto cu tabata mi dilanti, pasobra mi ta viola ley si mi bay tras di e borchí.

Si mi haci esey y tin polis den vecindario, mi ta ricibi "boet" pasobra mi no a tenemi na stipulacionnan di trafico.

Ta ami ta robez, of mi ta asina sokete cu mi no sa mi reglamentonan di trafico?

BAY AEROPUERTO DI ARUBA VIA VENEZUELA

Otro borchí cu ta traha riba mi sentido di hilaridad ta esun poni pariba di Coastal Boulevard.

Esaki ta e borchí blauw bunita di indicacion di lugarnan riba nos isla.

Si mi kier bay den centro, mi tin cu tuma "Downtown" cu ta bisami cu mi por sigui bay pariba numa.

Pero si mi kier bay Aeropuerto, mi tin cu tuma direccion nort (na mi man robez).

E borchí no ta bisami cu mi por bay pariba mes direccion di "Downtown" pasobra e intencion tabata pa manda turistanan bay tuma e "ringweg", via La Sallestraat y Cumana.

Pero mirando di mas cerca, mi ta mira e avion pinta riba e borchí, y e avion cu ta manera un "flecha" ta mustrami cu mi mester tuma ruta pazuid, esta direccion di Venezuela, pa yega aeropuerto.

AND THE VILLAGE BURNING DOWN

Dos siman pasa nos a ripara e peliger den centro di Playa ora cu un candela mester tuma lugar.

Nos a experimenta con facil ta pa un edificio kima otro y cu vlamnan ta sigui plama.

32 Aña pasa tabata tin e candela grandi den Village, te cu 31 aña pasa den concurso di calypso, e roadmarch di Young Quicksilver cu a gana e concurso tabata "The Village Burning Down".

Awor, si nos pensa riba San Nicolas, ta parce cu nos ta sperando pa dentro di poco scucha Vicente Kelly canta: "Gai corra a caba cu San Nicolas".

Patras di BJ Arends na San Nicolas tin e cas unda Mr. Blair, popular maestra di school di añanan 50 y 60 tabata biba.

Mr. Blair a bay biba den exterior, na Canada, aña pasa y ni un siman despues Chollernan a ocupa su cas.

Autoridadnan y doñonan di e edificio ta na altura di e situacion y nada a ser haci, pero tin 12 pa 15 choller, homber y muher cu tin e cas aki ocupa.

Poco dia pasa huma tabata skeiro y a resulta cu ta yerba a kima y esaki den porta di centro comercial di San Nicolas.

Seguros Geerman a haya su vitrina kibra poco tempo pasa ora cu un pelea formal a tuma lugar y cu botter y blokki a skeiro tur caminda.

Bisiñanan a bira mas adicto awe cu usadornan di marihuana mes, pasobra e bisiñanan no mester usa e droga aki.

E huma so ta caba cu nan y diariamente nan mester soporta e holór.

Tin tambe un deposito patras ey, caminda un choller ta saca jaluzie di palo tur dia pa sali y ta pone jaluzie back, y ta den e deposito aki shon choller ta biba.

Ta warda ta warda te dia cu "San Nicolas wordo pega na candela?" Y autoridadnan no sa di e trafication di droga cu ta tumando lugar eynan?

.....Kom Now !!!!

DIALUNA DIA DI SOSEGA CURPA CANSA

Poco dia pasa cu un conocir di tempo di mucha nos a conversa riba cosnan cu ta pasando na Aruba y hari riba tur e "maldadnan" cu nos a pasa aden cu no por ser compara cu nada malo di awendia pasobra e comparacion lo haci cu no tabata tin mucha mas bon mucha cu nos.

Pero a cay tambe riba e asunto di parando fin di siman y cansancio di curpa cu ta pone cu "Dialuna ta dia di Arbeidsongesteld, A.O."

E conocir tabata contento di no ta tende hopi tempo di e floho cu Arubianonan ta; cu Arubianonan ta mucho cansa riba dialuna; cu Arubianonan ta tuma dialuna pa saca wayaba etc.

Mi mester a pare na dado momento, splicando cu no ta tende di esey mas pasobra "no tin trabao pa arubianonan mas", pero si mester tene cuenta cu e kedamento cas riba dialuna ta peor awe cu tempo tabata tende tur e reclamonan negativo riba arubianonan, manera menciona ariba.

Esnan di afo cu ta traha riba nos isla a siña nan les mihor cu Arubianonan y si e no kier kere di e cantidad di A.O. riba dialuna, djies bay tira un bista na consultorio di docternan cu tin warda di fin di siman.

Bo ta haya e trahadornan di afo na rijnan largo sperando pa mira docter pa haya atencion di tur "e malesanan mortal cu nan ta sufi di dje

durante fin di siman, djies pa haya A.O." Nan a bira mas sabi cu e Arubianonan di ayera cu fin di siman ta malo. Nan malasuerte ta cu no ta tur docter ta cay pa e trapanan aki con cu ta.

Juby

Polis a bay check problema di Benito

ORANJESTAD (AAN): Di truya a worde dirigi na residencia di denunciante. Esaki a pone cu Pa-

Segun e famia cu "Benito" den su rabia lo a destrui algun articulo den cas. E motibo pa cual el a comete esaki, ta debi segun e sospechoso cu mama lo ta tuma parti pa su ruman mas joven. Esaki a pone cu "Benito" a actua.

Polis a hala e compai aki su atencion formal. Y a mustre cu esaki no ta e sistema, igualmente su otro rumanan tambe a pone "Benito" na su ugar.

GIROS RAPIDEZ
 LLAMADAS INTERNACIONALES Y TRANSFERENCIAS MONETARIAS
 COLOMBIA*PERU*REP.DOM*VENEZUELA*
 USA*CANADA*BRAZIL*PANAMA*
 ECUADOR*ARGENTINA*MEXICO*CHILE*
 B V/D VEEN ZEPPENFELDTSTR 45B 841559/841557

BAHA PESO

Sistema Unico & Sigur

Unico sistema cu ta test bo salud completo!

Unico sistema cu bo ta haya sa dicon bo no por baha!

Unico sistema cu bo ta haya sa kiko pa hasi pa baha sigur!

Unico sistema di tene diet sin sinti hamber!

No tira bo placa afo, hasi cos sigur!!!



Consultorio René Martina

Pa Medicina Natural

Hondurasstraat 5 - Yama 836-327